



FYLKESMANNEN I SOGN OG FJORDANE

Sakshandsamar: Marit Lunde
Telefon: 57643005
E-post: fmsfmlu@fylkesmannen.no

Vår dato
01.03.2016
Dykkar dato

Vår referanse
2016/132 - 331.1
Dykkar referanse

Årdal kommune
Statsråd Evensensveg 4-6
6885 ÅRDALSTANGEN

Årdal kommune - godkjenning av budsjett for 2016

Årdal kommunestyre har i møte 17.12.2015, sak nr. 093/15, handsama og vedteke budsjett for 2016 og økonomiplan for 2016 – 2019.

Kommunen er innmeldt i Robek (register for kommunar som er underlagt statleg betinga kontroll og godkjenning). Fylkesmannen skal derfor føre kontroll og godkjenne budsjett og låneopptak.

Budsjett for 2016 er godkjent.
Låneopptak på kr 4 100 000 vert godkjent.

Sakshandsaming

Fylkesmannen har ikkje merknader til kommunen si sakshandsaming. Vi legg til grunn at formannskapet si innstilling til budsjett og økonomiplan, med alle framlegg til vedtak, har lege ute til offentleg gjennomsyn i minimum 14 dagar, jf. kommunelova § 44 nr. 7 og § 45 nr. 3.

Fylkesmannen sin kommentar

Rammetilskotet for 2016 er budsjettert i samsvar med KS sin prognosemodell etter statsbudsjettet, medan skatteinntekter er budsjettert vesentleg lågare. Dette er fornuftig sidan kommunen har ei svakare utvikling i folketalet enn landet, og at dette då vil bety ein lågare prognose for skatt og inntektsutjamning.

Kommunens budsjetterte netto driftsresultat for 2016 på ca. 1,18 %, er mindre enn TBUs rettleiande sats på 1,75 %. Dette vil gje kommunen noko mindre reserver til ekstraordinære hendingar og planlagt vedlikehald. Det vil derfor vere svært viktig for kommunen å følgje tett opp utviklinga i drifta gjennom året.

Når det gjeld pensjon og amortisering av premieavvik går kommunen no over frå årleg amortisering til amortisering over sju år. Amortisert premieavvik må takast med i budsjetthandsaminga kvart år.

Som Robek-kommune er det etter kommunelova § 50 nr. 9 krav om at kommunale låneopptak skal godkjennast av departementet i dei høve som gjeld § 60 i kommunelova. Departementet har delegert dette mynde til Fylkesmannen.

Hovudkontor
Njøsavegen 2, 6863 Leikanger
Telefon: 57 64 30 00
Telefaks: 57 65 33 02
Org.nr 974 763 907

Landbruksavdelinga
Fjellvegen 11, 6800 Førde
Postboks 14, 6801 Førde
Telefon: 57 64 30 00
Telefaks: 57 82 17 77

E-post:
fmsfpost@fylkesmannen.no
Internett:
www.fylkesmannen.no/sfj

Fylkesmannen sitt generelle syn på lånegodkjenning til Robek-kommunar er:

- Budsjett og økonomiplan må vere i balanse og nye låneopptak må vere innarbeidd i budsjett og økonomiplan
- Å berre ta opp lån som er sjølvfinansierande
- Å rå frå opptak av lån som aukar driftsutgiftene

I investeringsbudsjettet for 2016 går det fram at samla investeringar utgjer kr 9 450 000. Bruk av lånemidlar utgjer kr 7 850 000. Kr 5 350 000 av dette vert overført frå 2015 som ubrukne lånemidlar, og kr 1 600 000 skal takast frå avsette midlar på fond. Restsum som må lånefinansierast utgjer kr 4 100 000. Oversyn over planlagde investeringar viser at det skal takast opp lån til VAR-området, som er sjølvfinansierande. I vedtaket til kommunestyret kan vi ikkje sjå at lånefinansiering er omtalt, men sidan kommunestyret har godkjent budsjettokumentet, og dermed budsjettskjema 2 A og 2 B, godkjenner vi dette. For seinare år kan det vere greitt å ta med ei linje i budsjettvedtaket om opptak av lån.

Kommunelova § 46 nr. 6 krev at budsjettet skal vere i balanse etter finansieringstransaksjonar og avsetningar, og etter § 46 nr. 3 skal budsjettet vere realistisk. For å oppfylle realismekravet, bør m.a. inntekter budsjetterast etter eit forsiktighetsprinsipp og utgifter skal dekkje vedteken aktivitet. Det framlagde budsjettet er i balanse og vi har ingen andre merknader til dette for 2016.

Økonomiplan 2016 – 2019

Salderingstiltaka som er gjennomførte i drift dei siste åra er vidareførte i planperioden. Eigedomsskatt er vidareført med skattetakstgrunnlag slik det no ligg føre på alle faste eigedommar i kommunen. Reduksjon i driftsutgiftene kjem i hovudsak av færre årsverk.

Plan for nedbetaling av underskot:

Kommunen hadde eit akkumulert underskot per 31.12.2013 på 21,7 mill. kroner frå åra 2011 og 2012. Overskot frå drift i 2013 og i 2014 har vorte brukt til ekstra nedbetaling av underskotet. Kommunen betalte ned kr 5 021 000 av underskotet i 2014, og har lagt inn nedbetaling med kr 9 000 000 i 2015 og kr 5 979 000 i 2016. Etter planen skal då kommunen meldast ut av Robek våren 2017.

Dersom rekneskapen frå 2015 viser eit resultat som er stort nok til at heile underskotet kan dekkast inn i 2015, kan kommunen meldast ut av Robek i år etter framlegging av godkjent rekneskap 2015, og etter at kommunestyret har gjort vedtak om dette.

Fylkesmannen sin kommentar

Det er kommunelova § 44 som regulerer krav og innhald til ein økonomiplan. I økonomiplanen skal det etter § 44 fjerde ledd for kvart enkelt år vere dekning for utgifter og oppgåver som er ført opp i planen. Kommunelova § 46 sjette ledd konkretiserer dette nærare gjennom at det skal vere budsjettert med eit driftsresultat som minst er tilstrekkeleg til å dekkje renter, avdrag og nødvendige avsetjingar.

Økonomiplanen er framlagt i balanse. Det er berre lagt opp til investeringar innanfor VAR-området i planperioden. Samla gjeld har vorte redusert siste åra, noko som fører til at belastning i drifta i form av renter og avdrag, har gått ned. Kommunen ligg fortsatt høgt når det gjeld lånegjeld i prosent av driftsinntekter, og bør i tida som kjem vere forsiktig med nye investeringar, slik at det blir meir til rådvelde for tenester til innbyggjarane. Det er og viktig å ta høgde for at rentenivået i framtida kan bli auka.

Robek

Kommunen blir meldt ut av Robek når kommunestyret vedtek eit rekneskap der alt underskot er dekt inn, og budsjett og økonomiplan er i balanse. Så lenge kommunen er registrert i Robek, ber Fylkesmannen om å få tilsendt saker om økonomirapportering som er oppe i kommunestyret.

Vedtak

Fylkesmannen skal føre lovlegkontroll av budsjettvedtaket til Årdal kommune, jf. kommunelova § 60 nr. 2. Vi har føreteke kontrollen, og Årdal kommune sitt budsjettvedtak for 2016 er godkjent.

Etter § 50 nr. 9 i kommunelova, jf. departementet si fullmakt av 27.02.2001, skal Fylkesmannen godkjenne låneopptak for kommunar som er innmeldt i Robek-registeret. Låneopptak på kr 4 100 000 til investeringar innanfor VAR-området vert godkjent.

Med helsing

Gunnar O. Hæreid
ass. fylkesmann

Marit Lunde
rådgjevar

Brevet er godkjent elektronisk og har difor ikkje underskrift.

Kopi pr. e-post: post@sogn-revisjon.no